

NACRT

Na osnovu članova 36. i 37. Zakona o principima lokalne samouprave u Federaciji Bosne i Hercegovine („Službene novine F BiH“, broj 49/06 i 51/09), a u vezi sa članom 13. stav 1. t.c) i stav 3. Zakona o pripadnosti javnih prihoda u Federaciji BiH („Službene novine Federacije BiH“, broj: 22/06, 43/08 i 22/09) i člana 21. tačka 6. Statuta Grada Zenica („Službene nvoine Grada Zenica“, broj 4/15), Gradsko vijeće na sjednici održanoj dana_____2016.godine, donosi

ODLUKU **o izmjenama i dopunama Odluke o komunalnim taksama**

Član 1.

Ovom Odlukom vrše se izmjene i dopune Odluke o komunalnim taksama („Službene novine Grada Zenica“, br. 2/15 i 4/15).

Član 2.

U poglavlju „TARIFNI BROJ 1“, član 11., podnaslov B) IZUZECI-POSEBNA GRUPA PRAVNIH LICA i poduzetnika“, tabela I GRUPA PRAVNIH LICA“ mijenja se kako slijedi:

Naziv djelatnosti pravnih lica	Šifra djelatnosti	Zone	Iznos takse
I GRUPA PRAVNIH LICA	9,20		
Lutrija, igre na sreću, sportske kladionice			
	Rasponi po zonama		
	100%	Ekstra zona	50.000 KM
	80%	I zona	40.000 KM
	60%	II zona	30.000 KM
	40%	III zona	20.000 KM
Telekomunikacije, telefonske i satelitske usluge	61		
Proizvodnja i distribucija el.energije	35.1		
Noćni barovi i diskoteke	56.3		
	Rasponi iznosa po zonama:		
	100%	Ekstra zona	3.000,00 KM
	80%	I zona	2.400,00 KM
	60%	II zona	1.800,00 KM
	40%	III zona	1.200,00 KM

Član 3.

Iza člana 13. Odluke dodati nove članove 13a. i 13b. koji glase:

„Tarifni broj 4.

Člana 13a.

Za korištenje uređaja mobilne telefonije plaća se godišnja taksa i to:

- 1. Bazna stanica mobilne telefonije 50.000,00 KM*
- 2. Mikrobazna stanica mobilne telefonije 15.000,00 KM*
- 3. Predajnici (pasivni repetitori), antene, stubovi 5.000,00 KM.*

„Tarifni broj 5.

Član 13b.

Za isticanje objava, oglasa i saopćenja na javnim mjestima plaća se jednokratne taksa i to:

- 1. za seriju do 100 komada 50,00 KM*
- 2. za seriju preko 100 komada 100,00 KM,*
- 3. za postavljanje stalnih panoa i displeja po 1 m² 20,00 KM.*

Isticanje objava, oglasa i saopštenja na javnim mjestima vrši se u skladu sa odredbama Odluke o komunalnom redu“.

Član 4.

Ova Odluka stupa na snagu prvog narednog dana od dana objavljivanja u „Službenim novinama Grada Zenica“.

Broj: 01-
Zenica, _____ 2016.

PREDSJEDAVAJUĆA
GRADSKOG VIJEĆA ZENICA
Sanja Renić

O b r a z l o ž e n j e

I- Pravni osnov za donošenje ove Odluke sadržan je u odredbama čl. 36. i 37. Zakona o principima lokalne samouprave u Federaciji Bosne i Hercegovine („Službene novine F BiH“, broj 49/06 i 51/09) i člana 13. stav 1. tačka c) i stav 3. Zakona o pripadnosti javnih prihoda u Federaciji Bosne i Hercegovine („Službene novine F BiH“, broj 22/06, 43/08 i 22/09) te člana 11. stav 1. alineja 20. u vezi sa članom 21. tačka 6. Statuta Grada Zenica („Službene novine Grada Zenica“, broj 5/15).

II- Razlozi za donošenje ove Odluke proizilaze iz potrebe da se obezbijede dodatna sredstva u Budžet Grada Zenica, a koja bi bila namjenjena finansiranju rada sportskih klubova i razvoj sporta kao jednog od bitnih segmenata strategije razvoja aktivnosti mladih. Takođe, principi raspodjele prihoda odnosno nužnosti da se dio ostvarenih prihoda i dobiti od visokoakumulativnih djelatnosti kao što su sportske kladionice i djelatnost operatera mobilne telefonije, vrati građanima Zenice koji su konzumenti tih usluga.

Naplatom sredstava po osnovu komunalne takse od sportskih kladionica i operatera mobilne telefonije bit će stvorene pretpostavke za bolje finansiranje sportskih kolektiva, razvoj omladinskog i školskog sporta, što je jedno od strateških opredjeljenja Grada Zenica. To će u bliskoj budućnosti rezultirati boljim sportskim rezultatima Zeničkog sporta, jačanjem sportskih klubova i obezbjeđivanjem uslova za kvalitetnije korištenje slobodnog vremena djece školskog uzrasta što će umanjiti rizike od maloljetničke delikvencije.

III- Obrazloženje pravnih normi

Članom 1. Odluke uređuje se predmet normiranja.

Članom 2. vrši se izmjena i dopuna člana 11. podnaslov b) IZUZECI-POSEBNA GRUPA PRAVNIH LICA i poduzetnika.

Članom 3. Odluke se dopunjuje novim članovima 13a i 13b.

Novim članom 13a. uvodi se novi Tarifni broj 4. kojim se posebno definira obaveza plaćanja komunalne takse za korištenje uređaja mobilne telefonije.

Članom 13b. Uvodi se novi Tarifni broj 5. prema kojem se propisuje komunalna taksa za isticanje objava, oglasa i saopćenja na javnim mjestima.

Članom 4. propisuje se stupanje na snagu Odluke.

IV- Financijska sredstva

Za provođenje ove odluke nisu potrebna sredstva iz Budžeta Grada Zenica.

V- Obrazloženje postupka

Ova odluka je od strane predlagača podnesena u formi prijedloga tj. po skraćenom postupku iz razloga što je riječ o kratkom aktu o kojem nije potrebno provođenje javne rasprave.

S obzirom da Gradsko vijeće na sjednici održanoj 01.12.2016. godine nije prihvatilo da raspravlja o prijedlogu odluke po skraćenom postupku, o prijedlogu se raspravljalo kao o nacrtu u skladu sa članom 70. stav 3. Poslovnika Vijeća općine. U skladu sa iznesenim donesen je Zaključak o utvrđivanju Nacrta Odluke o izmjenama i dopunama Odluke o komunalnim taksama i upućivanju na javnu raspravu.

2. Članom 3. uvodi se posebna taksa za korištenje uređaja mobilne telefonije u rasponu od 5.000 – 50.000 KM u ovisnosti od vrste stanice mobilne telefonije. Takođe, nova je i taksa za isticanje objava, oglasa i saopćenja na javnim mjestima.

3. Važeća Odluka o komunalnim taksama („Službene novine Općine Zenica“, broj 2/15 i „Službene novine Grada Zenica“, broj 4/15) usklađena je prema uputama iz Presude Ustavnog suda Federacije Bosne i Hercegovine, u dijelu koji se odnosi na Tarifu općinskih komunalnih такси-Tarifni br. 1. Naime, kod usklađivanja Odluke (Tarifni br. 1.) sa Presudom Ustavnom suda F BiH tj. kod propisivanja visine komunalne takse kao objektivan i relevantan kriterij uzeta je položajna pogodnost tj. zona Grada u kojoj se nalazi sjedište firme, te nivo akumulativnosti (niskoakumulativnosti) subjekata koji obavljaju određene djelatnosti.